

Фарзанд тарбияси (8-дарс)



14:01 / 04.12.2017 4504

Муборак Рамазон ойининг кечаларидан бир кеча. Бомдод намозидан олдин Маҳмуднинг онаси саҳарлик тайёrlашга турди. Маҳмуднинг отаси эса фарзандлариға қаратада қўйидагича нидо қилди:

“Маҳмуд, ўғлим, саҳарликка тур, Фотима, қизим, саҳарликка тур!”

Маҳмуд ва Фотима тетиклик билан туриб, уйқудан туриш дуосини айтдилар ва икковлари таҳорат қилдилар, сўнгра ҳаммалари Аллоҳга икки ракат намоз ўқиб, саҳарлик қилишга ўтирдилар.

Ота: «Албатта, Рамазон ойи буюк, кароматли ойдир ва унда тутилган рўза учун улуғ Аллоҳ ҳузурида катта ажр-савоб бор. Абу Ҳурайра розийаллоҳу анҳудан ривоят қилинадики, Расулуллоҳ соллаллоҳу алайҳи васаллам:

«Кимки Рамазон рўзасини иймон келтириб ва савоб, яхшиликни умид қилиб тутса, унинг аввалги гуноҳлари кечирилади», деганлар.

(Имом Бухорий ривояти.)

Фарзандларим, ким бу ойни Аллоҳ ва Расулига иймон келтирган, Аллоҳнинг ваъдасини тасдиқлаган, ёлғиз Аллоҳдан рўзаси учун савоб умид қилган, ҳеч кимдан рўзаси учун уни мақташи ёки унга сусткашлиқ

қилгани учун ёмонлашини кутмаган ҳолда рўзасини тутса, суюклиларим, АЛЛОҲ унинг олдинги гуноҳларини кечириб юборади», деди.

Маҳмуд: «Ҳақиқатдан ҳам, отажон, бу буюк ойдир, бу ой раҳмат ва кечирилиш ойидир», деди.

Фотима: «Бугун АЛЛОҲнинг гўзал исмларидан қайсиларини ўрганамиз?» деди.

Ота: «АЛЛОҲнинг гўзал исмларидан яна **Қобиз** (тутувчи, бутун мулкни кудрат қўлида тутиб турувчи), **Басит** (қўйиб юборувчи, ризқларни, неъматларни кенг қилиб қўювчи), **Холақ** (ўта мукаммал яратувчи), **Ҳалийм** (ғазаби дарров келмайдиган, азоблашга шошилмайдиган ЗОТ) бордир», деди.

Шу вақтда ҳаммалари саҳарлик қилишдан тўхтадилар ва Бомдод намози азони муборак Рамазон ойининг янги куни кирганини эълон қилган ҳолда жаранглади:

Аллоҳу акбар, Аллоҳу акбар!

Аллоҳу акбар, Аллоҳу акбар!

(АЛЛОҲ улуғдир!)

Ашҳаду аллаа илаҳа иллАЛЛОҲ.

Ашҳаду аллаа илаҳа иллАЛЛОҲ.

(АЛЛОҲдан ўзга илоҳ йўқлигига гувоҳлик бераман.)

Ашҳаду анна Мұҳаммадар Расууллоҳ.

Ашҳаду анна Мұҳаммадар Расууллоҳ.

(Мұҳаммад АЛЛОҲнинг Расули эканлигига гувоҳлик бераман.)

Ҳайя ъалас солааҳ.

Ҳайя ъалас солааҳ.

(Намозга шошилинглар.)

Ҳайя ъалаа фалааҳ.

Ҳаййа ъалаа фалааҳ.

(Нажотга шошилинглар.)

Ассолату хойрум минан навм.

Ассолату хойрум минан навм.

(Намоз уйқудан яхшироқдир –
ушбу жумла Бомдод намози вақтида айтилади.)

Аллоҳу акбар, Аллоҳу акбар!

Аллоҳу акбар, Аллоҳу акбар!

(АЛЛОҲ улуғдир!)

Лаа илааҳа иллаллоҳ!

(АЛЛОҲдан ўзга илоҳ йўқ!)

Ҳаммалари муаззин билан у айтган нарсаларни қайтариб турдилар. Аzon тўхтагач, ушбу дуони айтдилар:

“Аллоҳумма робба ҳазиҳид даъватит таммати вассолатил қоимати ати Муҳаммадан алвасийлата валфазийлата вабъасҳу мақомам маҳмуданиллазий ваадтаҳ”.

(«Аллоҳим, ушбу комил даъват ва қоим дуо роббиси, Муҳаммад соллаллоҳу алайҳи васалламга васийла ва фазийла ато этгин ва уни ўзига ваъда қилганинг мақоми маҳмудда тирилтиргин».)

(Имом Бухорий ривояти.)

Ота: «Қани юр, Маҳмуд, намозни жамоат билан ўқиш учун масжидга чиқамиз», деди.

Масjidга кетаётганларида Маҳмуд сўради: «Масжидга намоз ўқиш учун борганимизда риоя қилишимиз керак бўлган одоблардан Набий соллаллоҳу алайҳи васаллам ўргатганлари қайсилар?»

Ота деди: «Яхши, Маҳмуд. АЛЛОҲ иштиёқингни янада кўпайтирсин. Набий соллаллоҳу алайҳи васаллам ўргатган одоблар мана булардир:

Масжидга ўнг оёқ билан кириб, ушбу дуо айтилади:

بَأْوْبَا يَلْحَظْفَا مُلْلَا، لَلَّا لَوْسَرْ جَلْعُ مَالْسَلَأُو مَالْصَلَأُو مَلْلَا مَسَابِ
كُلْصَفَ

«Бисмиллахи вас солату вассаламу ъала Росулиллах, Аллоҳумма ифтаҳ лий авваба роҳматик».

(Маъноси: «АЛЛОҲНИНГ исми ила, Расулуллоҳга саловоту саломлар бўлсин, АЛЛОҲим, менга раҳмат эшикларингни очгин».)

(Ином Муслим ривояти.)

2) Икки ракат “Таҳиййатул масжид” намозини ўқимагунча ўтираслик.

3) Баланд овозда гапирмаслик, сукунат ва виқор билан ўтириш.

4) Намоз ўқиётган кишининг олдидан ўтмаслик.

5) Намоз ва зикрлар тугагач, масжидан чиқмоқчи бўлганимизда чап оёқ билан чиқа туриб ушбу дуони айтамиз:

نَمَ كُلَّ أَسَأْ يَنِإِمْ لَلَّا، لَلَّا لَوْسَرْ جَلْعُ مَالْسَلَأُو مَالْصَلَأُو مَلْلَا مَسَابِ
كُلْصَفَ

«Бисмиллахи вас солату вас саламу ъала Росулиллах, Аллоҳумма инний асъалука мин фазлик».

(«АЛЛОҲНИНГ исми ила, Расулуллоҳга салавоту саломлар, Аллоҳим, мен Сендан фазлингни сўрайман».)

(Ином Муслим ривояти.)

Маҳмуд: «Аллоҳ хоҳласа, шу ишларни, албатта, қиласман, отажон», деди.

Маҳмуд ва отаси масжидга кирдилар, шу вақт муazzин намозга иқома, яъни такбир айтди...

Абу Абдураҳмон